



Inatsisartuni ilaasortaq
Jens Kristian Therkelsen, Siumut

Ikerasammi imermut aqquusiinissaq pillugu § 37 naapertorlugu apeqquteqaammut nr. 98-2022-mut akissut

Asasara Jens Kristian Therkelsen

Inatsisartut Suleriaasianni § 37 naapertorlugu Ikerasammi imermut aqquusiinissaq pillugu Naalakkersuisunut apeqquteqaateqarputit. Apeqqutit uannit akisassanngorlugit innersuunneqarput.

Apeqqutit akineqarnissaanut atugassanik Nukissiorfimmiit pissarsiniartoqarpoq.

1. Ikerasammi Nukissiorfiit imermut aqqutilersuinissaa unitsiinnarneqarnikuua?

Akissut:

Suliassaq unitsinneqarsimasoq Nukissiorfimmiit ilisimatitsissutigineqarpoq.

a) Unitsinneqarnikuusimanngippat, suliaq qaqugu naammassineqassasoq naatsersuutigineqarpa??

Akissut:

Apeqqut 1-imut akissuteqaatiga innersuussutigineqarpoq.

b) Unitsinneqarsimappat, unititsinermut suna peqqutaava?

Akissut:

Nukissiorfiit ilisimatitsippat, aningaasanik isumalluutunik amigaateqartoqarnera peqqutigalugu suliassaq unitsinneqarsimasoq.

Nukissiorfiit aningaasaqarnikkut ilungersunartorsiornera Naalakkersuisunit eqqumaffigineqarpoq. Aningaasaqarnerup iluarsiiiffigineqarnissaa, taamaalillunilu suliffeqarfiup illoqarfinni nunaqarfinnilu piffissaagallartillugu aserfallatsaaliuinernik nutaanullu aningaasaliinernik pisariaqartunik qulakkeerisinaanissaa pisariaqartinneqarpoq.

Inussiarnersumik inuulluaqqusillunga


Kalistat Lund

Allakkat ulluat: 27-05-2022
Suliap normua: 2022 - 104
Allagaatip ilisarnaataa:
20176937

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl